



## Direkshon di maneho serie di kódigo postal Hulanda Karibense

Number di vershon 1.0

Fecha	17 di yüni 2024
Státus	Definitivo

## Kolofon

Nòmber di proyekto	Registrashon & fasilidatnan gobièrnu digital Hulanda Karibense
Number di proyekto Number di vershon	1.0
Anekso(nan)	Informe di konsulta Kódigo postal Hulanda Karibense

## Kontenido

### **Kolofon—2**

### **Resúmen—4**

<b>1</b>	<b>Kapítulo—5</b>
1.1	Motibu—5
1.2	Kódigo postal, utilidat i nesesidat—5
1.3	VARIANTENAN PA SERIE DI KÓDIGO POSTAL—6

## Resúmen

Hulanda Karibense no ta disponé di un sistema di kódigo postal. Pa añanan kaba, habitantenan i gobernantenan ta eksperensiá esaki komo algu problemátiko. Tambe, for di aña 2010 regularmente tin pregunta den Tweede Kamer tokante e tópiko aki. Den e akuerdo intergubernamental di 2022 ku e Entidat Públiko Saba, a trese dilanti ku e Ministerio di BZK lo a tuma un papel di direkshon tokante elaborashon di algun tema inkluso kódigo postal. Despues di esaki a formulá un informe di konsulta ku ta duna contenido mas aleu na elaborashon di e tema “Kódigo postal pa Hulanda Karibense”. A base di e konseho for di e informe aki, pa sigui elaborá e eskoho pa e serie di kódigo postal 0000-0999, a start un konsulta via internet pa hasié posibel pa siudadanonan, empresanan i organisashonnan reakshoná riba e proposishon pa e serie di kódigo postal aki.

# 1 Kapítulo

## 1.1 Motibu

E Ministerio di Asuntunan Interno i Relashon den Reino a redaktá e "Werkagenda Waardengedreven Digitaliseren" (Agènda di trabou Digitalisashon Guiá pa Norma)<sup>1</sup>. Den e agènda di trabou aki bou di e título "linia 5.1" a inkluí e tópiko: "Realisashon di ekivalensia digital na Hulanda Karibense". Un di e metanan inkluí den esaki ta "Servisio públiko na nivel igual òf ekivalente ku na Hulanda Oropeo". E meta aki ta un kontinuashon di e maneho di e gabinete kaminda relashoná ku Hulanda Karibense a hasi esfuerso pa 'comply or explain'. Esei ta enserá ku ta kontinuá maneho di Hulanda Oropeo na Hulanda Karibense, a ménos ku tin un bon motibu pa no hasi esei. Igual unda esei ta posibel, i ora no ta posibel mesora, por lo ménos ekivalente. Un di e tópikonan tokante di kua for di aña 2010 regularmente sa hasi pregunta den Tweede Kamer<sup>2</sup> ta e echo ku no tin kódigo postal na Hulanda Karibense. E preguntanan aki ta legítimo den kuadro di ekivalensia di Hulanda Karibense ku Hulanda Oropeo. Den e akuerdo intergubernamental di aña 2022 ku e Entidat Públiko Saba a plantia ku e Ministerio di BZK lo tuma un papel di direkshon tokante elaborashon di algun tema inkluso kódigo postal<sup>3</sup>. Despues a formulá un informe di konsulta ku ta duna contenido mas aleu na elaborashon di e tema "Kódigo postal pa Hulanda Karibense".

## 1.2 Kódigo postal, utilidat i nesesidat

Pòst, kódigo postal i pone adrès riba karta ta eksigí sinkronisashon tantu na nivel lokal, nashonal, komo internashonal. E union postal mundial (Universal Postal Union, UPU) ta un organisashon internashonal, i parti di Nashonnan Uní. E union postal mundial ta koordiná i manehá kódigo postal internashonal di e estadonan miembro. E ret postal mundial ta basá riba desishonnan tumá pa e órganonan di konsulta di UPU. Ademas, UPU tin un gran kantidat di konosementu i eksperiensia disponibel tokante pòst, kódigo postal, i pone adrès riba karta. E manual "Addressing and Postcode Manual" (Manual tokante Pone adrès riba Karta i Kódigo postal)<sup>4</sup> ku UPU a publiká, ta kontené deskripshonnan ekstenso di e utilidat i nesesidat di adrès i kódigo postal, inkluso splikashonnan di diferente sistema di adrès i kódigo postal i konsiderashonnan tokante implementashon. UPU ta definí un kódigo postal di e siguiente manera:

- "an identifier for a given delivery point or collection of postal delivery point, normally comprising a string of numerical or alphanumeric characters." ("un forma di identifiká un punto di entrega spesífiko òf un kolekshon di punto di entrega postal, ku normalmente ta konsistí di un serie di karakter numérico òf alfanumérico.")

Kódigo postal ta un manera konsiso pa indiká un lokalidat spesífiko (punto di entrega). Fuera di e definishon di kódigo postal, e konsepto granularidat ta importante. Ku granularidat ta indiká e grado di detaye. Un granularidat mas haltu ta nifiká un sistema di kódigo postal mas refiná. Un ehèmpel:

- Por asigná un kódigo postal na un isla
- Por asigná un kódigo postal na un kaya spesífiko riba e isla

<sup>1</sup> <https://www.rijksoverheid.nl/documenten/rapporten/2022/11/04/bijlage-1-werkagenda-waardengedreven-digitaliseren>

<sup>2</sup> <https://zoek.officielebekendmakingen.nl/ah-tk-20102011-1806.html>

<sup>3</sup> <https://www.rijksoverheid.nl/documenten/convenanten/2022/07/01/saba-package-20>

<sup>4</sup> <https://admin->

[qa.upu.int/UPU/media/upu/files/postalSolutions/capacityBuilding/addressingAssistanceForCountries/manualAddressingAndPostcodeManualEn.pdf](https://admin-qa.upu.int/UPU/media/upu/files/postalSolutions/capacityBuilding/addressingAssistanceForCountries/manualAddressingAndPostcodeManualEn.pdf)

Un kódigo postal asigná na un kaya spesífiko tin un granularidat mas haltu ku e situashon ora a asigná un kódigo postal na un isla. Por papia di granularidat kompleto ora por indiká kada punto di entrega ku un kódigo postal. E situashon aki ta pasa tiki biaha pa motibu di e kompleksidat haltu di maneho di kódigo postal. P'esei, hopi biaha ta kombiná kódigo postal ku un òf mas dato di adrès pa identifiká un lokalidat spesífiko.

Den e manual di UPU a rekonosé e siguiente bentahanan di kódigo postal:

1. Kódigo postal ta fasilitá estableimentu di ruta i klasifikashon di pòst (karta i pakete postal) i ta subi kalidat di entrega di pòst.
2. Kódigo postal ta un kondishon básiko esensial pa klasifikashon outomatisá di pòst.
3. Kódigo postal (sí òf nò den kombinashon ku informashon di adrès) ta subi e kalidat di pone adrès riba karta spesífiko na benefisio di tantu empresanan komersial (grandi i chikí) komo organisashon (semi) gubernamental (kampaña di informashon, kompania di utilidat públiko).
4. Por hasi uso di kódigo postal pa statistik i pa hasi komparashon pa tur sorto di segmentashon di merkado.
5. Kódigo postal ta fasilitá tráfiiko postal (inter)nashonal na benefisio di aktividat di E-commerce.
6. Ora subi kalidat di entrega postal, esaki ta resultá den ménos "onbestelbaar retour" (manda pòst bèk ora no por haña e adrès) i un bahada di e kostonan di atendé ku pòst den henter e kadena postal.

Resumiendo, kódigo postal ta kontribuí na efisiensia i kalidat di entrega postal i kódigo postal tin un impakto positivo riba otro aspektan manera:

- E idea di tin un adrès na Hulanda ta kontribuí na un sentido di ekivalensia.
- CBS lo ta mas kapas pa produsí statistik ku ta nesesario por ehèmpel pa órden espasial i bista general di státus sosialekonómiko pa kada kódigo postal di kuater sifra.
- E echo di por habri un kuenta bankario serka un banko na Hulanda Oropeo pasobra kódigo postal ta un echo obligatorio ku habitante no por suministrá.

### 1.3 Variante pa serie di kódigo postal

E informe ta trata ku tres variante pa un serie di kódigo postal pa Hulanda Karibense. Despues ta sigui un enumerashon di e variantenan aki pa kada linia prinsipal.

Variante 1 ta evaluá e faktibilidat di uso di e serie di kódigo postal 9191AA te ku 9199ZZ den e sistema di kódigo postal hulandes oropeo.

Variante 2 ta evaluá e faktibilidat di uso di e serie di kódigo postal 0000AA te ku 0999ZZ. E variante aki sí ta sigui e sistemátika di e kódigo postal hulandes oropeo, pero ta usa un serie ku no ta den uso na Hulanda Oropeo.

Variante 3 ta evaluá e faktibilidat di uso di un sistema di kódigo postal kompletamente nobo pa Hulanda Karibense.

Pa elaborashon mas aleu di e bentahanan i desbentahanan di kada variante, ta referí na e informe "Kódigo postal pa Hulanda Karibense" den e anekso.

Resumiendo por bisa lo siguiente: Uso di struktura di kódigo postal ku no ta pas por trese retonan basta grandi ku konekshon di sistema i elaborashon di dato den e sistema hulandes oropeo i p'esei e no ta e eskoho ku lo mester preferá. Uso di kódigo postal i struktura di sistema ku ta kuadra ku esun na Hulanda Oropo no solamente ta simplifiká e konekshonnan di sistema, sino tambe ta kontribuí na efektivitat i efisiensia di servisio di gobièrnu i interkambio di dato na Hulanda Karibense i lo oumentá e sintimentu di ekivalensia ku Hulanda Oropo.

#### **1.4 Konsulta via internet**

E informe ta konsehá pa elaborá Variante 2 mas aleu ku stakeholdernan. Komo un kontinuashon di e konseho ei a start e konsulta aki pa tambe duna otro stakeholder, siudadano, empresa i organisashon un oportunitat pa duna nan vishon tokante introdukshon di e serie di kódigo postal 0000AA-0999ZZ pa Hulanda Karibense.